

Na osnovu člana 16. stav 1. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i člana 15. stav (3) i 32. stav (2) Zakona o plaćama i naknadama u organima vlasti Zeničko-dobojskog kantona („Službene novine Zeničko-dobojskog kantona“, broj: 1/18, 10/19, 11/19-isp, 8/22, 4/24 i 10/24) i na usaglašen prijedlog Ministarstva finansija i Ministarstva za pravosuđe i upravu, Vlada Zeničko-dobojskog kantona, na 45. sjednici, održanoj dana 06.09.2024. godine, d o n o s i

UREDBU
O IZMJENAMA UREDBE
O NAKNADAMA TROŠKOVA ZA SLUŽBENA PUTOVANJA

Član 1.
(Izmjena člana 6.)

U Uredbi o naknadama troškova za službena putovanja („Službene novine Zeničko-dobojskog kantona“, broj: 12/20, u daljem tekstu: Uredba), član 6. stav (4) mijenja se i glasi:

„(4) Dnevnicu za službeni put ne isključuje topli obrok.“

Član 2.
(Izmjena člana 18.)

Član 18. mijenja se i glasi:

„Član 18.
(Nespojivost)

(1) Dnevnicu za službeni put ne isključuje topli obrok i naknadu za odvojeni život od porodice i naknadu troškova smještaja, osim u slučajevima kada se službeni put obavlja van mjesta rada za koje se prima naknada za odvojeni život.

(2) Dnevnicu za službeni put i naknada za prijevoz na posao i s posla međusobno se isključuju.

(3) Izuzetno, pravo na naknadu troškova prijevoza i naknadu troškova korištenja osobnog automobila u službene svrhe iz člana 9. i 10. ove uredbe ostvaruje i zaposlenik koji po nalogu rukovoditelja kantonalnog organa državne službe iz člana 12. stav (1) ove uredbe, ostvari loko vožnju (putovanje u službene svrhe na području Zeničko-dobojskog kantona), koristeći javni prijevoz ili osobni automobil, čime nastanu troškovi prijevoza obavljajući posao u službene svrhe.

(4) Pravo na naknadu troškova nastalih po osnovu plaćene cestarine, putarine, mostarine, naknade za korištenje tunela i parkinga nastalih u s vezi s prijevozom ostvaruje i zaposlenik koji po nalogu rukovoditelja kantonalnog organa državne službe iz članka 12. stav (1) ove uredbe koristi službeno vozilo u loko vožnji (putovanje u službene svrhe na području Zeničko-dobojskog kantona), obavljajući posao u službene svrhe.“

Član 3.
(Započeti postupci)

Službena putovanja koja su započeta prije stupanja na snagu ove uredbe, a nisu završena, obračunat će se prema propisima o naknadama za putne troškove koji su važili do dana stupanja na snagu ove uredbe, ukoliko je to povoljnije za državne službenike.

Član 4.
(Stupanje na snagu)

Uredba stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 02-02-15405/24

Datum, 06.09.2024. godine

Zenica

PREMIJER

Nezir Pivić

DOSTAVLJENO:

1x Ministarstvo za pravosuđe i upravu,

1x Ministarstvo finansija,

1x Svim kantonalnim Ministarstvima

i drugim tijelima kantonalne uprave,

1x Kantonalno pravobranilaštvo Zenica, putem Ministarstva,

1x Svim sudovima, putem Ministarstva,

1x Kantonalno tužilaštvo Zeničko-dobojskog kantona, putem Ministarstva,

1x “Službene novine Zeničko-dobojskog kantona”,

1x a/a.